

Na osnovu člana 12. tačka c) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), a u vezi čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 6. stav (1) i 15. Zakona o pozorišnoj djelatnosti ("Službene novine Kantona Sarajevo", broj 42/13 - Prečišćeni tekst i 6/16), čl. 5., 15. i 16. Zakona o muzejskoj djelatnosti ("Službene novine Kantona Sarajevo", broj 13/17) i Pravilnika o uslovima za osnivanje i početak rada muzeja, muzejskih zbirki, muzejskih izložbi i galerija ("Službene novine Kantona Sarajevo", broj 24/00), Skupština Kantona Sarajevo, na sjednici održanoj dana 31.10.2017. godine, donijela je

### ODLUKU

#### O IZMJENAMA I DOPUNAMA ODLUKE O SPAJANJU JAVNIH USTANOVA KULTURE U JAVNU USTANOVU "CENTAR ZA KULTURU KANTONA SARAJEVO"

##### Član 1.

(Izmjena naziva Javne ustanove)

U nazivu Odluke o spajanju javnih ustanova kulture u Javnu ustanovu "Centar za kulturu Kantona Sarajevo" ("Službene novine Kantona Sarajevo", broj 37/14) i u čl. 1. tačka c), 2. stav (1), 3. stav (1), i 23. st. (2), riječi: "Centar za kulturu", zamjenjuju se riječima: "Bosanski kulturni centar".

##### Član 2.

(Izmjena tačke b) u članu 1.)

- (1) U članu 1. tačka b) briše se.
- (2) Dosadašnja tačka c) postaje tačka b).

##### Član 3.

(Izmjena stava (3) u članu 2.)

U članu 2. stav (3) mijenja se i glasi:

- "(3) Javna ustanova iz stava (1) ovog člana organizuje se u dvije organizacione jedinice:
- a) Organizaciona jedinica "Bosanski kulturni centar" za planiranje i organizaciju programskih aktivnosti;
  - b) Organizaciona jedinica Sarajevo art za realizaciju programskih aktivnosti."

##### Član 4.

(Izmjena stava (1) u članu 3.)

U članu 3. stav (1), riječi: "JU CKS", zamjenjuju se riječima: "JU BKC KS".

##### Član 5.

(Izmjena stava (2) u članu 4.)

U članu 4. stav (2), riječi: "tač. a), b) i c)", zamjenjuju se riječima: "stav (3)".

##### Član 6.

(Izmjena tačke c) u članu 5.)

- (1) U članu 5. tačka c) briše se.
- (2) Dosadašnja tačka d) postaje tačka c).

##### Član 7.

(Izmjena tačke b) u stavu (1) u članu 6.)

- (1) U članu 6. stav (1) tačka b) briše se.
- (2) Dosadašnja tačka c) postaje tačka b).

##### Član 8.

(Preciziranje djelatnosti Javne ustanove)

U članu 7. stav (1), klasifikacione oznake za djelatnosti i riječi:

"18.1 Štampanje i uslužne djelatnosti u vezi sa štampanjem

58.1 Izdavanje knjiga, periodičnih publikacija i ostale izdavačke djelatnosti",

zamjenjuju se slijedećim klasifikacionim oznakama i riječima:

"18.11 Štampanje novina

18.12 Ostalo štampanje

18.13 Usluge pripreme za štampu i objavljivanje

18.14 Knjigoveške i srodne usluge

18.20 Umnožavanje snimljenih zapisa".

##### Član 9.

(Izmjena stava (5) u članu 13.)

U članu 13., stav (5) mijenja se i glasi:

- "(5) Danom upisa ove Javne ustanove u Registar poslovnih subjekata Općinskog suda u Sarajevu (u daljem tekstu: sudski registar), Vlada imenuje novi, a razrješava raniji Upravni i Nadzorni odbor Javne ustanove "Centar za kulturu Kantona Sarajevo".

##### Član 10.

(Izmjena stava (5) u članu 14.)

U članu 14., stav (5) mijenja se i glasi:

- "(5) Za upis promjena u sudski registar zadužuje se direktor Javne ustanove."

##### Član 11.

(Izmjena stava (2) u članu 21.)

U članu 21. stav (2) mijenja se i glasi:

- "(2) Godišnji izvještaj o radu sadrži: izvještaj o izvršenju godišnjeg programa rada, izvještaj o radu direktora, izvještaj o radu Upravnog odbora, izvještaj o radu Nadzornog odbora, izvještaj o radu programskog odnosno umjetničkog savjeta, izvještaj o finansijskom poslovanju Javne ustanove."

##### Član 12.

(Izmjene st. (3) i (4) u članu 23.)

- (1) U članu 23. stav (3) briše se.
  - (2) Dosadašnji stav (4) postaje stav (3), mijenja se i glasi:
- "(3) Lice zatečeno na dužnosti direktora Javne ustanove "Centar za kulturu Kantona Sarajevo", a teče mu mandat nastavlja rukovoditi Javnom ustanovom "Bosanski kulturni centar Kantona Sarajevo".

##### Član 13.

(Brisanje člana 25.)

Član 25. briše se.

Dosadašnji čl. 26. i 27. postaju čl. 25. i 26.

##### Član 14.

(Rok za usklađivanje općih akata)

Javna ustanova je obavezna u roku od 90 dana od dana stupanja na snagu ove odluke uskladiti, pravila, pravilnik o unutrašnjoj organizaciji i sistematizaciji, pravilnik o radu i druge opće akte sa odredbama ove odluke.

##### Član 15.

(Rok za pripremu Prečišćenog teksta Odluke)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o spajanju javnih ustanova kulture u Javnu ustanovu "Bosanski kulturni centar Kantona Sarajevo" i dostavi ga Skupštini Kantona Sarajevo na verifikaciju u roku od 60 dana od dana stupanja na snagu ove odluke.

##### Član 16.

(Stupanje na snagu Odluke)

Ova odluka stupa na snagu osmog dana od dana objavljivanja u "Službenim novinama Kantona Sarajevo."

Broj 01-05-32181/17  
31. oktobra 2017. godine  
Sarajevo

Predsjedateljica  
Skupštine Kantona Sarajevo  
Prof. Ana Babić, s. r.